

SASTANAK SA PREDSTAVNICIMA TOMISLAVGRADA

15.02.2023 14:33



Direktor Federalne uprave za geodetske imovinsko-pravne poslove gosp. Željko Obradović i pomoćnik direktora gosp. Sead Hadžić boravili su 15.2.2023. godine u Tomislavgradu i održali sastanak sa načelnikom općine gosp. Ivanom Buntićem i njegovim saradnicima. Razgovaralo se o trenutnoj realizaciji projekata sektora zemljišne administracije na području općine Tomislavgrad.

Na području općine su u okviru projekta Registracije nekretnina usaglašeni katastarski i zemljišnoknjižni podaci u 16 katastarskih općina te opremljen katastarski ured potrebnom opremom. Izlaganje podataka premjera i katastarskog klasiranja realizira se u tri katastarske općine (Kopčevina, Lipa II i Selište) a planirana je priprema za izlaganje u nove tri katastarske općine (Grabovica, Korita i Prisoje). Adresni

registar je u završnoj fazi, a do jula ove godine očekuje se završetak označavanja. Također se razgovaralo i o uspostavi katastra komunalnih uređaja za gradski dio općine Tomislavgrad a dogovorene su aktivnosti uspostave ovog projekta. Posebno je analizirana mogućnost komasacije Duvanjskog polja za šta je potrebna posebna analiza katastarske i zemljišnoknjižne dokumentacije ali i spremnost vlasnika zemljišta i predstavnika općine za pripremu i realizaciju projekta.

Ovaj sastanak je poslužio kao nastavak dosadašnje uspješne saradnje i razgovora Federalne uprave za geodetske i imovinsko-pravne poslove i predstavnika općine Tomislavgrad.